

Descobèrta d'una òbra

Dimècres 5 de Decembre de 2018 – 18:00

Ostal de las Associacions, 15 Av. Tarayre – RODÉS

sala 108 - 1° estatge



Presentacion per Joëlle GINESTET

Mèstra de conferéncias en lenga e literatura occitanas
a l'Universitat Jean Jaurès de Tolosa
Ensenhaira - Cèrcaira



Presentacion de l'òbra, lecturas, escambis

Rencontre dobèrt a totes e a gràtis,
organizat per l'IEO 12

INSTITUT D'ESTUDIS OCCITANS D'AVAIRON

IPNS



CONTES DE LA TATÀ MANNON

DE JUSTIN BESSOU

Presentacion per Joëlle GINESTET

Justin BESSOU, nasquèt a Mejalanon, comuna de Sant Salvador en Roergue lo 31 d'octobre de 1845, ochen enfant d'una familha de païsans que ne comptava nòu. Moriguèt a Villafranca de Roergue lo 9 d'octobre de 1918, a la velha de l'armistici.

Prèire en 1871, foguèt puèi vicari a Sant Geniès d'Òlt e a Marcihac, puèi curat a Lebós, del costat de Requistar. Enfin foguèt curat de Sant Andrieu de Najac fins a 1906.

Majoral del Felibrige en 1902, es un personatge conegut per son esperit redotable (las famosas « bessonadas »). Foguèt un escrivan occitan de la lenga remirabla, autor de « Del breç a la tomba » e un contaire de tria amb per exemple « Los contes de la tatà Mannon »

Bibliografia :

Dal brèç a la tomba (D'al brès a la toumbo)

Contes de la tatà Mannon (Countes de la tata Mannou)

Contes de l'oncle Joanet (Countes de l'ouncle Janet)

Bagateletas (Bagateletos)

Besucarietas (Besucarietos)

Vespradas de l'oncle Polita (Besprados de l'ouncle Polito)

Los Contes de la Tata Mannon

La tatà Mannon es un dels personatges importants dins l'òbra de Besson. Coma totes las « tatàs » e totes los « oncles » de l'epòca, teniá una plaça essenciala dins la familha.

« Los contes de la tatà Mannon » recampa 31 contes que fan passar una vision de la vida, a través lo plaser que i a de los escotar al canton. Dins las « istòrias », arriba sovent que las bèstias parlan (lo lop, lo grelhon, lo rainal), a la maniera de faulas que s'acaban per una morala. Mas jamai los òmes e las femnas de la campanha son pas luènh, Dieu tanpauc.

Aqueles contes se son expandits de boca a aurelha, e encara uèi, se pòdon entendre, sens mencion d'origina, dins d'unas taulejadas...

Joëlle GINESTET es mèstra de conferéncias en lenga e literatura occitanas a l'Universitat Jean Jaurès de Tolosa, ensenhaira - cèrcaira, directritz de la seccion de linguistica, estilistica e occitan, a publicat mantun obrages sus la literatura occitana, autora notablament de *Jean Boudou, la force d'aimer* (Ed. Praesens).